

ნოტერ დამი და გალაქტიონი

ავტორი: აკაკი სხვიტარიძე

პარიზის ღვთისმშობლის ტაძარი ხანძრის შემდგომ საკმაოდ აქტუალური მსჯელობის თემა გახდა, დავინტერესდი იყო თუ არა ასახული პარიზის ღვთისმშობლის ტაძრის სახე ქართულ ლიტერატურაში, პროზასა თუ პოეზიაში.

როგორც აღმოჩნდა ჯერ კიდევ მეთვრამეტე საუკუნის ქართულ ნაწარმოებში, სულხან საბა ორბელიანის „მოგზაურობა ევროპაში“ ფიქსირდებოდა ნოტრდამი. სამწუხაროდ სწორედ საფრანგეთის და პარიზის ნაწილი არ არის შემორჩენილი, მაგრამ ჩვენ შეგვიძლია დანამდვილებით ვთქვათ, რომ სულხან-საბას ისეთივე ოსტატობით ექნებოდა აღწერილი ნოტრდამი როგორი ოსტატობითაც ის აღწერს იტალიის ძეგლებს, ტაძრებს, სასახლეებს თუ სხვადასხვა დანიშნულების შენობებს რომლებიც გზად ხვდებოდა.

მეცხრამეტე საუკუნის ქართულ მწერლობასა თუ პოეზიაში პარიზის ღვთისმშობლის ტაძარი არ გვხვდება, ვინაიდან ეს იყო პერიოდი რომანტიზმისა, ეროვნულობისა, კრიტიკული რეალიზმისა და ქართველ მოღვაწეებს უცხოური ძეგლებისადმი თუ ხელოვნების ნიმუშებისადმი ხოტბის შესხმის დრო სავარაუდოდ არც ჰქონდათ.

პარიზის ღვთისმშობლის ტაძარი კვლავ ჩნდება მეოცე საუკუნის პირველი ნახევრის ქართულ მწერლობაში ძირითადად იმ პოეტებისა თუ მწერლების შემოქმედებაში, რომლებსაც ურთიერთობა ჰქონდათ საფრანგეთთან. მათ შორის არიან „ცისფერყანწელები“ მაგალითად პაოლო იშვილი თავის ნოველა „ფერადი ბუშტები“ აღწერს პარიზელ მათხოვრებს რომლებიც ნოტრ დამის ტაძრის წინ ითხოვენ მოწყალებას. აქა-იქ ტიციან ტაბიძესაც აქვს მოხსენიებული პროზაულ პუბლიკაციებში, თუმცა ვერ ვიტყვით რომ აქ ნოტრდამის სახე იკვეთება.

ნოტრდამის სახე შედარებით კარგად ჩანს კონსტანტინე გამსახურდიას რომანში „დიონისოს ღიმილი“. მთავარი გმირი სატრფოსთან, გულისსწორთან ერთად შედის სიტეს კუნძულზე მდებარე ტაძარში სადაც ის ათვალიერებს ვიტრაჟებს და ხედავს აპოკალიფსურ სცენებს. :

„ამაზე ულამაზესი ადგილი პარიზში არ მეგულება. საღამოობით საუცხოოა ნოტრდამი, მგლოვიარე ქალწულს გავს.

ტაძარში ოდნავ ბნელოდა. შესვლის უმაღ სპეციფიური საყდრის სუნი მეცა. უკანა რიგებში არც ერთი თავისუფალი ადგილი. მლოცველების დიდი ნაწილი არებში დაჩოქილი ისმენს მწუხრს. შავი სილუეტების ლიტანიები, ლოცვანების ხმადაბალი, ქორალური კითხვა.

მაღალ, დაბრედებულ თაღებქვეშ საოცარ, მისტიურ გარინდებას დაუსადგურებია. აპოკალიფსურ მოტივებზე მოხატულ ვიწრო, მაღალი ფანჯრებიდან ისფერი შუქი იფრევევა ამეთვისტოსფერ ფონზე.

პატმოსის ჭალაკი, ზერწით შესუდრული ძე კაცის მსგავსის თოვლივით სპეტაკი თავი, ალისებური ბრწყინვალე თვალები. მისი პირიდან ორპირ აღლესული მახვილი ამოდის. ხელთ უპყრია კლიტენი სიკვდილისა და ჯოჯოხეთისანი. (კონსტანტინე გამსახურდია, დიონისოს ღიმილი, პატმოსის ჭალაკი)

თუმცა ყველაზე უკეთ ნოტრდამი აისახა გალაკტიონ ტაბიძის შემოქმედებაში.

გალაკტიონი შეყვარებული იყო პარიზზე, ეს მისი დღიურებიდან ჩანს.

1935 წელს იმყოფებოდა პარიზში, 17 ივნისს გალაკტიონი პარიზის ღვთისმშობლის ტაძრის წინ იდგა და ის შეესწორ თეატრალიზებული რელიგიურ ღონისძიებას, რომელშიც ინსცენირებული იყო სცენები ქრისტეს ცხოვრებიდან. პოეტი ასე აღწერს ამ ფაქტს:

ისმოდა გალობა, ორგანოს ხმები და ზარების რეკვა.

ეს მისტერია მოწყობილი იყო სორბონის რომელიდაც პროფესორის მიერ. მისტერია დადგმული იყო საშუალო საუკუნეების მწერლის არნულ გრებანის ტექსტის მიხედვით (იგი იყო ღვთისმეტყველების ბაკალავრი, ორგანისტი, მსწავლული კანონიკი, საშუალო საუკუნეების ჰუმანისტი. მაცხოვრის როლს

ასრულებდა გამოჩენილი [რომუალდ ჟუბე] არტისტი. როდესაც იგი შეუდგა გეთსიმანის ბალში ლოცვას, უეცრად დაქვეა კოკისპირული წვიმა. არტისტები ხიტონებით ეხვეოდენ, საზოგადოება კი გარბოდა. ნოტ-დამის კოშკებიდან ხარხარებდენ ქიმერები: მისტერია ჩაიშალა.

ამ ფაქტით შთაგენებულმა დაწერა ლექსი „მისტერია წვიმაში“

დღეს ნოტ-დამთან (სწორია ფანტაზიის ნახატი!) კალენკორის ფრთებიან ანგელოზებს ნახავდი. ლია ცის ქვეშ მტვერია, კარებს აღებს მისანი და მიდის მისტერია: „ვწებანი უფლისანი“. სცენა გამოხატავდა სამოთხეთა შვენებას და გარშემო ფანტავდა რაღაც საშინელებას... მაღლა ტიტანიური იყო ღრუბელთ თეთრობა, საიდანაც ციური ეშვებოდა მხედრობა. მარჯვნივ - უზარმაზარი დევი მწვანე თვალებით, კოშკი, როგორც ტაძარი, ედგა ზურგზე ბრჭყალებით. და კოშკის კბილებიდან ცბიერი და ხელშმაგი, როგორც შორი მთებიდან იზრდებოდა ეშმაკი. კოშკიდან კი დროდადრო კრთოდა ცეცხლის ენები, თითქოს ცეცხლმა დაათრო ჯოჯოხეთის ფერები. ირეოდა გალობა შორი, ხმადაბუგული, ორლანოთა მერთალობა და ზარების გუგუნი. წაიშალა ეს გრიმი, არცთუ ისე გმირული, წამოვიდა რა წვიმა ჩქარი, კოკისპირული. ამინდი გაკვიმატდა, დამამ ქოლგა გაშალა, წვიმამ უფრო იმატა - მისტერიაც ჩაშალა. და შემდეგ კი (სწორია ფანტაზიის ნახატი!) კალენკორის ფრთებიან ანგელოზს ვერ ნახავდი. მაღლა ტიტანიური გაპერა ღრუბელთ თეთრობა, საიდანაც ციური ეშვებოდა მხედრობა.

როგორც ჩანს გალაკტიონზე ნოტრ დამს დიდი შთაბეჭდილება მოუხდენია, რომელი შთაბეჭდილებითაც შემდგომ მას დაუწერია ლექსი „ვნახე ნოტრდამი“ მართალია ლექსი არ არის შემორჩენილი დღემდე თუმცა 1937, 1939 და 1956 წლების დღიურებში ის კვლავ ახსენებს ამ ლექსს, გადასაწერად ან დასაბეჭდად გამზადებულ ლექსებს შორის. თუმცა შემორჩენილია 1935 წლის დღიურიდან ლექსის ერთი სტროფის საცდელი ვარიანტი

[დღე მზიანია, მაგრამ ნოტრდამი დემონის ხელით არის ნახატი.]

მაგრამ ნოტრდამი, როგორც კლდე მთაზე,
დემონის ხელით არის ნახატი,
როგორც კლდე კლდეზე, როგორც ქვა ქვაზე...

ნოტრდამი დემონის ხელით არის ნახატი, შესაძლოა პოეტს სწორედ ტაძრის გოთიკურობამ შთააგონა ეს, თუმცა როდესაც გალაკტიონი მომდევნო პერიოდში კვლავ ახსენებს ნოტრდამს ის ასეთ რამეს ამბობს:

ქიმერა ყომრალ ღრუბლებში ორიოდ წამით, მიმსგავსებული ცისფერ ფაიფურს,	ეხლა, ძვირფასო მოგონებავ, გიამბო მინდა, გაგიზიარო ყოველივე მინდა, გულახდით. ჩვენში როგორ რთავს გაზაფხული ქალაქს და მინდორს, თუ როგორ ბრწყინავს აღტაცებით და შრომის ტახტით. მსოფლიო გლობუსს საგულეში თამამად ვიტევ, გული არა მაქვს უდარდელით სავსე სიმღერით... წყნარად, ნოტრ-დამო!	ცეცხლთან ფოლადურ ძლიერი ქროლით მიჰყავს, იქმნება ბედისწერის წამს ის, ვინც გიცნობდა იოტით მაინც, ვინც ეჭვს მოჰკლავდა განსაცდელის უამს. ღალატი! ეხლა მარტოდმარტო ხარ: გული არა აქვს არც მზეს, არც ნოტრდამს.
[1940]	თითქმის ორმოც წელზე მეტია ღმერთს გავეყარე, რას მაშინებ ეხლა ქიმერით?	ნოტრდამო, გული საგულეში არ დამეტია. შენს ფრთებზე ღელავს ქიმერები, როგორც სიმიდი. სუს, მოგონებავ! ორმოცდაათ

		წელზე მეტია ღმერთს გავეყარე, რას მაშინებ ეხლა იმითი.
--	--	------------------------------------------------------------

გალაკტიონს ნოტრდამი ქიმერით აშინებს. მიჩნეულია რომ ე.წ. გარგულიები ხალხის რწმენით ბოროტი ძალების დასაფრთხობად გამოიყენებოდა, თუმცა გალაკტიონი სხვანაირად აღიქვამს მას. ის თითქოს ეხმიანება შუასაუკუნეების ევროპის რელიგიის გამოძახილს, იმ რელიგიისა რომელიც ხალხს ჯოჯოხეთით აშინებდა. და აი ნოტრდამი ჯოჯოხეთური არსებით, ქიმერით აშინებს გალაკტიონს, მაგრამ მას არ ეშინია, არა იმიტომ რომ ის ღმერთთან ახლოსაა და დაცულია, არამედ იმიტომ რომ ის ღმერთს გაეყარა უკვე ორმოც წელზე მეტია და მას ჯოჯოხეთური არსებები ვეღარ შეაშინებენ. ამიტომ გალაკტიონი ცოტა არ იყოს ირონიით მიმართავს ნოტრდამს და აწყნარებს მას.

ნოტრდამი დემონის ხელით არის ნახატი, ნოტრდამს გული არ აქვს, თუმცა ის არის მარადიული ძეგლი, და პარიზის მცველი. 1943 წლის ლექსი „პარიზი“-ს ერთერთი სტროფიდან სწორედ ამას ვიგებთ:

ბალიუსტრადით და კოშკებით,
როგორც ძეგლი მუდამი,
როგორც მცველი პარიზისა,
აღმართულა ნოტრ-დამი.

ვიკტორ გიუგო

რომ მტერს პასუხი მიუგოს -
ძალუებს მარტოდენ - ჰიუგოს.
ძეგლი - პარიზში რომ ვნახე,
არ მავიწყდება ის სახე.
ვით დავივიწყო ის წამი:
ის პერლაშეზი, ნოტრ-დამი,
შენ ცოცხალი ხარ, ქვავ, ლოდო,
ქიმერავ და კვაზიმოდო.
საყვარელია აგეთი -
ის მხარე, ის საფრანგეთი.

მართალია გალაკტიონს ისეთი ხოტბა არ შეუსხამს ნოტრდამისთვის როგორ ქებათა ქებასაც ის უძღვნის ნიკორწმინდას, რომელიც ღვთიური ტაძარია, რომლის ხაზებშიც ანთა ცეცხლი მისარქმელი ანუ იესო ქრისტე. მაგრამ აშკარაა, რომ გალაკტიონის შემოქმედებაში ნოტრდამი არც თუ ისე მკრთალად ასახულა.
და აი ახლა როდესაც ჩვენ ვიხსენებთ ნოტრდამს, რომელსაც ერთი კვირის წინ სახურავი დაეწვა, ჩვენ ალბათ შეგვიძლია დავესხოთ გალაკტიონს და ვუსურვოთ პარიზელ ხალხს და პარიზს რომ ნოტრდამი კვლავ მდგარიყოს პარიზის სადარაჯოზე, როგორც მცველი პარიზისა, როგორც მარადიული ძეგლი, ძეგლი მუდამი

გმადლობთ ყურადღებისთვის.